

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 41/2014, 53/16 dhe 83/18), si dhe duke vepruar sipas njoftimit për përqendrim të parashtruar nga **Aramco Overseas Company B.V.**, me seli të regjistruar në Sheveningseveg 62-66, 2517 KH Hag, Holandë, dhe **BP Europa SE** me seli në Uberseale 1, 20457 Hamburg, Gjermani, i dorëzuar përmes Bozhidar Millosheviq avokatë nga Shkupi, në seancën e mbajtur më 15.03.2022, merr këtë:

AKTVENDIM

Vërtetohet se përqendrimi me të cilin **Aramco Overseas Company B.V.**, me seli të regjistruar në Sheveningseveg 62-66, 2517 KH Hag, Holandë dhe **BP Europa SE** me seli në Uberseale 1, 20457 Hamburg, Gjermani do të fitoj kontroll të pavarur mbi shoqërinë **LOTOS –AIR BP Polska sp.z.o.o.**, me seli të regjistruar në rr. Aleja Grunvaldyka 472B. 80-309 Gdansk, Poloni, përmes fitimit të aksioneve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit për përqendrim obligohet që për njoftimin për përqendrim të paguaj taksë administrative në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifar 34 të Ligjit për taksa administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbarimin e aktvendimit.

Arsyetim

Në përputhje të nenit 15 të Ligjit për mbrojtjen e konkurrencës, më 11.02.2022, deri te Komisioni për Mbrojtjen e Konkurrencës (në tekstin e mëtejshëm: Komisioni) u dorëzua një njoftim për përqendrim nga Aramco Overseas Company B.V., me seli të regjistruar në Sheveningseveg 62-66, 2517 KH Hag, Holandë dhe BP Europa SE me seli në Uberseale 1, 20457 Hamburg, Gjermani, ku Aramco Overseas Company B.V., Holandë dhe BP Europa SE, Gjermani

do të fitojnë kontroll të përbashkët mbi LOTOS –AIR BP Polska sp.z.o.o., , me seli të regjistruar në rr. Aleja Grunvaldyka 472B. 80-309 Gdansk, Poloni, përmes fitimit të aksioneve.

Komisioni filloi shqyrtimin e Njoftimit nga dita e pranimet të tij dhe në bazën e të dhënave të paraqitura në Njoftimin për përqendrim , shtojcat dhe anekset e tyre, konstatoi si në vijim:

Aktivitetet themelore të biznesit të ndërmarrjeve të përfshira:

Aramco Overseas Company B.V. është shoqëri e varur e cila është në pronësi të plotë të Saudi Aramco.

Aramco Overseas Company B.V është një shoqëri me aktivitete biznesi kryesisht në Evropë, Azi dhe Afrikë, duke u ofruar shoqërive të saj në Saudi Aramco, grupit global një gamë të gjerë shërbimesh, duke përfshirë shërbime të mbështetjes financiare, menaxhimin e zinxhirit të furnizimit, shërbime të mbështetjes teknike dhe një sërë shërbimesh mbështetëse administrative. Saudi Aramco është angazhuar kryesisht me kërkime gjeologjike, kërkime, shpim dhe nxjerrjen e substancave të hidrokarbureve përpunim, prodhim, rafinim dhe vendosje në treg të këtyre substancave.

Saudi Aramco nuk ka shoqëri të varura në Maqedoninë e veriut, por është XXX¹

BP Evropa Se është një kompani e varur indirekte nga BP p.l.c. me seli në Sheshin Seint Xhejms 1, Londër SW1Y 4PD, Mbretëria e Bashkuar (së bashku me shoqëritë e varura të „BP”)

BP me seli në Londër, Mbretëria e Bashkuar, është një kompani e integruar energjetike me aktivitete në Evropë, , Amerikën Veriore dhe Jugore, Australi, Azi dhe Afrikë. BP p.l.c. është shoqëri udhëheqëse (mëmë) e një grupi global që fokusohet në katër grupe të biznesit: prodhim dhe operacione me hidrokarbure (naftë dhe gaz):konsumatorë dhe produkte- gjë që rrit ofertat e bp për komoditet dhe lëvizshmëri për konsumatorët: gaz dhe energji me karbon të ulët(përfshirë burimet e rinovuese të energjisë dhe gazit të integruar): inovacione dhe inxhinieri për të nxitur transformimin digjital.

Veprimtaria e LOTOS-Ep Polonia sp.z.o.o. është shitja e karburantit të avionëve JET-A1 dhe mbushja e avionëve me këtë karburant në aeroportet e vendosura në Poloni: aeroporti Leh Valensa në Gdanjsk: Aeroporti Frederik Shopen në Varshavë: Aeroporti Ndërkombëtarë Katowice në Pirzovice: Aeroporti Lublin: Aeroporti Regjional Olstin-Mazuri në Shimani dhe aeroporti Poznan-Lavica.

LOTOS –Ep BP Poloni sp.z.o.o. është aktive vetëm në Poloni

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

¹ Të dhënat paraqesin fshehtësi afariste

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij, veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURENCËS
Prof. Dr. Владимир Наумовски